

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet 8, telefon 049 218-220, faks 049 490-276
Ислахијет 8, телефон 049 218-220, факс 049 490-276
www.revizija-bd.ba

Broj:01-02-03-13-172/18
R: 08-03; 13-03/18

**IZVJEŠTAJ
O REVIZIJI FINANSIJSKOG POSLOVANJA
Skupštine Brčko distrikta BiH
za period 01.01.- 31.12.2017. godine**

Brčko, maj 2018. godine

SADRŽAJ

NEZAVISNO REVIZORSKO MIŠLJENJE.....	3
1. REZIME DATIH PREPORUKA.....	5
2. UVOD	7
3. OPŠTI DIO.....	7
3.1. ORGANIZACIJA SKUPŠTINE.....	7
3.2. RAD SKUPŠTINE	8
4. PREDMET, CILJ I OBIM REVIZIJE.....	8
5. OSVRT NA NALAZE I PREPORUKE IZ PRETHODNE REVIZIJE.....	9
6. NALAZI I PREPORUKE.....	10
6.1. RUKOVODSTVO I SISTEM INTERNIH KONTROLA.....	10
6.2. OBAVLJANJE POSLOVA U SKLADU SA PROPISIMA	11
6.3. IZDACI ZA PLATE I NAKNADE TROŠKOVA PLATA.....	13
6.4. <i>Izdaci za putne troškove</i>	14
6.5. IZDACI ZA UGOVORENE USLUGE.....	15
6.6. IZDACI ZA TEKUĆE GRANTOVE.....	16
6.7. OSTALI NALAZI	17
6.7.1. <i>Javne nabavke</i>	17
7. KOMENTAR	17
8. PRILOZI IZVJEŠTAJA O REVIZIJI	18

**Bosna i Hercegovina
Brčko distrikt BiH
URED-KANCELARIJA ZA REVIZIJU
JAVNE UPRAVE I INSTITUCIJA
u Brčko distriktu BiH**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА РЕВИЗИЈУ
ЈАВНЕ УПРАВЕ И ИНСТИТУЦИЈА
у Брчко дистрикту БиХ**



Islahijet 8 telefon 049 218-220, faks 049 218-438
Ислахијет 8, телефон 049 218-220, факс 049 218-438
www.revizori-bd.ba

SKUPŠTINA BRČKO DISTRIKTA BiH
n/r šefa Stručne službe Skupštine

NEZAVISNO REVIZORSKO MIŠLJENJE

Predmet revizije

Izvršili smo reviziju finansijskog poslovanja Skupštine Brčko distrikta BiH (u daljnjem tekstu: Skupština) za period 01.01.-31.12.2017. godine, te reviziju usklađenosti poslovanja s važećim zakonskim i drugim relevantnim propisima.

Odgovornost rukovodstva

Za finansijsko poslovanje Skupštine, u skladu s važećim zakonskim i drugim propisima, programom rada i odobrenim pozicijama budžeta odgovoran je šef Stručne službe. Ova odgovornost obuhvata: osmišljavanje, primjenu i održavanje internih kontrola koje su relevantne za sprečavanje nastanka materijalno značajnih grešaka u finansijskom poslovanju Skupštine.

Odgovornost revizora

Naša odgovornost je da izrazimo mišljenje o finansijskom poslovanju na osnovu izvršene revizije. Reviziju smo izvršili u skladu sa Zakonom o reviziji javne uprave i institucija u Brčko distriktu BiH (Službeni glasnik Brčko distrikta BiH, br. 40/08, 29/14 i 23/16) i primjenjivim okvirom Međunarodnih standarda vrhovnih revizijskih institucija - ISSAI (Službeni glasnik Brčko distrikta BiH, broj 3/15). Ovi standardi nalažu da radimo u skladu s etičkim zahtjevima i da reviziju planiramo i izvršimo na način koji omogućava da se, u razumnoj mjeri, uvjerimo da finansijsko poslovanje ne sadrži materijalno značajne pogreške, te da je poslovanje usklađeno sa važećim zakonskim i drugim relevantnim propisima.

Revizija je uključila sprovođenje postupaka u cilju pribavljanja revizorskih dokaza o usklađenosti finansijskog poslovanja sa zakonskim i drugim relevantnim propisima, kao i odobrenim i izvršenim pozicijama budžeta. Izbor postupaka je zasnovan na revizorskom prosuđivanju, uključujući procjenu rizika nastanka materijalno značajnih grešaka u finansijskom poslovanju. Prilikom procjene rizika, revizor razmatra interne kontrole koje su relevantne za prezentaciju finansijskog poslovanja, u cilju osmišljavanja revizorskih postupaka koji su odgovarajući u datim okolnostima, ali ne u cilju izražavanja odvojenog mišljenja o efektivnosti internih kontrola.

Smatramo da su pribavljeni revizorski dokazi dovoljni i odgovarajući i da obezbjeđuju osnovu za naše revizorsko mišljenje.

Pozitivno mišljenje

Po našem mišljenju finansijsko poslovanje Skupštine, u periodu **01.01.-31.12.2017.** godine, bilo je u svim materijalno značajnim aspektima usklađeno sa važećom zakonskom regulativom.

Isticanje predmeta

Bez uticaja na izraženo mišljenje, ističemo sljedeće:

- Kao što smo isticali i u prethodnim izvještajima o obavljenim revizijama finansijskog poslovanja, nije osigurano usvajanje Budžeta Brčko distrikta BiH za 2017. godinu, u zakonski propisanom roku u skladu sa Statutom Brčko distrikta BiH i Poslovníkom o radu Skupštine (najmanje trideset dana prije isteka svake fiskalne godine).
- Prilikom isplate dnevnica, licima koja nisu zaposlenici Skupštine nije obračunat i obustavljen od isplate pripadajući porez u iznosu od 160,75 KM, kako je to propisano odredbama člana 14 Pravilnika o primjeni Zakona o porezu na dohodak.
- Odlukom o kriterijima, načinu i postupku raspodjele sredstava grantova Skupštine nisu propisani prošireni kriteriji koji osiguravaju efikasnu kontrolu dodjele i utroška sredstava iz budžeta 2017. godine, što nije u skladu sa odredbama člana 22 Zakona o izvršenju budžeta Brčko distrikta BiH za 2017. godinu.

Zamjenici glavnog revizora:

Amra Ilić, dipl. oec.

Mr. sci. Savo Grujić, dipl. oec.

Glavni revizor

Nekir Suljagić, dipl. oec.

1. REZIME DATIH PREPORUKA

- *Potrebno je, u cilju efikasnijeg poslovanja i pouzdanog finansijskog izvještavanja, uspostaviti sistem internih kontrola koji će eliminisati navedene slabosti i doprinijeti efikasnom ostvarivanju ciljeva Skupštine.*
- *Potrebno je da Skupština, putem skupštinske Komisije za budžet, osigura usvajanje Budžeta Brčko distrikta BiH, u zakonski propisanom roku, u skladu sa Statutom Brčko distrikta BiH i Poslovníkom o radu Skupštine.*
- *Potrebno je, prilikom izrade budžeta, pridržavati se gornjih granica rashoda Skupštine predviđenih DOB-om, u skladu sa odredbama Zakona o budžetu Brčko distrikta BiH, u dijelu izrade budžeta.*
- *Potrebno je da Skupština donese i objavi Vodič, kojim se svakom licu omogućava pristup informacijama pod kontrolom javnog organa, u skladu sa odredbama Zakona o slobodi pristupa informacijama u BiH.*
- *Potrebno je rješenja o privremenom premještanju donijeti u skladu sa odredbama Pravilnika o radu službenika i namještenika u Stručnoj službi Skupštine, u dijelu složenosti poslova radnih mjesta i perioda na koji se vrši premještanje.*
- *Potrebno je da Skupština, u okviru svoje nadležnosti, donese propis s ciljem provođenja Zakona o zaštiti ličnih podataka.*
- *Potrebno je vršiti redovna ažuriranja WEB stranice Skupštine u skladu sa odredbama Pravilnika o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH, u dijelu unutrašnje organizacije poslova.*
- *Potrebno je utvrditi prečišćene tekstove svih zakona Brčko distrikta BiH koji su imali 3 ili više izmjena, kako je to propisano Odlukom o davanju ovlaštenja Zakonodavnoj komisiji Skupštine Brčko distrikta BiH od 13.09.2017. godine.*
- *Potrebno je da Izborna komisija Brčko distrikta BiH plan i program rada, izvještaj o radu i finansijski izvještaj usvoji i uputi Skupštini na usvajanje, u primjerenom (adekvatnom) roku.*
- *Potrebno je, prilikom zaključivanja ugovora o radu na neodređeno vrijeme, predvidjeti obavezu probnog rada u periodu od šest (6) mjeseci u skladu sa odredbama Pravilnika o radu službenika i namještenika u Stručnoj službi Skupštine Brčko distrikta BiH.*
- *Potrebno je izvršiti dodatne objave javnih konkursa za popunjavanje upražnjenih radnih mjesta u Skupštini, s ciljem jačanja transparentnosti prilikom zapošljavanja.*

- *Potrebno je obračun poreza za dnevnice lica koja nisu zaposlenici Skupštine, vršiti u skladu sa Pravilnikom o primjeni Zakona o porezu na dohodak, u dijelu prihoda koji podliježu oporezivanju.*
- *Potrebno je izvještaje o službenom putovanju sačinjavati u skladu sa Pravilnikom o primjeni Zakona o porezu na dohodak, u dijelu navođenja da li je obezbijedena besplatna ishrana tokom službenog putovanja u zemlji.*
- *Potrebno je da Skupština angažuje lica po osnovu ugovora o djelu na poslovima koji imaju karakter samostalnih i jednokratnih poslova, u skladu sa Zakonom o obligacionim odnosima, te na poslovima predviđenim Organizacionim planom vršiti zapošljavanje u skladu sa članom 3 Zakona o radu Brčko distrikta BiH.*
- *Potrebno je izvršenje budžeta tekućih grantova zasnivati na načelu transparentnosti, u skladu sa odredbama Zakona o izvršenju budžeta Brčko distrikta BiH za 2017. godinu, u dijelu opštih načela.*
- *Potrebno je izvršiti dopunu Odluke o kriterijima, načinu i postupku raspodjele sredstava grantova Skupštine Brčko distrikta BiH u skladu sa odredbama Zakona o izvršenju budžeta Brčko distrikta BiH za 2017. godinu, u dijelu proširenja kriterija za raspodjelu sredstava namijenjenih za grantove neprofitnim organizacijama.*
- *Potrebno je provoditi postupke javnih nabavki za sve nabavke roba, usluga i izvođenja radova, te sa odabranim dobavljačem zaključiti ugovor u skladu sa Zakonom o javnim nabavkama BiH.*

2. UVOD

Obavili smo reviziju finansijskog poslovanja Skupštine, na osnovu ovlaštenja datih Zakonom o reviziji javne uprave i institucija u Brčko distriktu BiH i drugim relevantnim propisima kao i na osnovu godišnjeg plana revizija.

3. OPŠTI DIO

U nadležnosti Skupštine je:

- Usvajanje Statuta Distrikta i Poslovnika o radu Skupštine (u daljem tekstu Poslovnik) i njihovih izmjena i dopuna;
- Usvajanje budžeta Distrikta i njegova izmjena i dopuna;
- Usvajanje zakona Brčko Distrikta BiH;
- Usvajanje odluka i rezolucija i drugih akata u skladu sa Statutom i Poslovnikom;
- Odlučivanje, na prijedlog gradonačelnika, o javnim zajmovima i zaduživanjima Distrikta, u skladu sa pravilima i politikom Centralne banke Bosne i Hercegovine;
- Izbor i razrješenje predsjednika i potpredsjednika Skupštine, gradonačelnika Distrikta i davanje saglasnosti na imenovanje zvaničnika u skladu sa Statutom, Poslovnikom i zakonom;
- Nadgledanje rada Vlade Distrikta i cjelokupne uprave Distrikta, naročito u pogledu upravljanja prihodima i rashodima Distrikta. U ovu svrhu, Skupština može, postupajući prema odluci donesenoj u skladu s članom 33 stavom 1 Statuta Distrikta, da oformi posebnu komisiju iz svog članstva da bi ispitala rad bilo koje javne institucije Distrikta. Prijedlog da takva odluka bude stavljena na dnevni red Skupštine prihvata se na zahtjev najmanje pet (5) zastupnika;
- Zvanična procjena rada gradonačelnika, direktora Direkcije za finansije Distrikta, direktora Poreske uprave, šefa Policije, direktora Kancelarije za upravljanje javnom imovinom, glavnog revizora Kancelarije za reviziju javne uprave i institucija u Brčko distriktu BiH i drugih zvaničnika koji se imenuju uz saglasnost Skupštine najmanje jednom godišnje na redovnoj sjednici;
- Razmatranje godišnjih finansijskih izvještaja koje sačinjavaju institucije Distrikta za finansijsku kontrolu, uključujući Kancelariju za reviziju iz člana 44 Statuta Distrikta;
- Obavljanje drugih funkcija u skladu sa Statutom Distrikta i zakonom.

Skupština se organizuje i radi u skladu sa Statutom Brčko distrikta BiH i Poslovnikom. Svi zakoni, postupci i propisi Brčko distrikta BiH koje Skupština usvoji moraju biti u skladu sa Ustavom BiH, Statutom Distrikta i zakonima BiH.

3.1. Organizacija Skupštine

Poslovi iz nadležnosti Skupštine regulisani su glavom IV Poslovnika, od člana 31. do člana 63., i u iste spadaju poslovi koji su u nadležnosti:

1. Predsjednika i potpredsjednika Skupštine;
2. Stručne službe Skupštine;
3. Skupštinskih komisija;
4. Stalnih komisija;
5. Posebnih komisija.

3.2. Rad Skupštine

Rad Skupštine je regulisan Poslovníkom o radu Skupštine, od člana 64 do člana 117 i to:

1. Donošenje općih akata Skupštine;
2. Donošenje odluka o dopustivosti i proceduralnim radnjama i Odlukama o suspenziji poslovníčkih odredaba;
3. Priprema, sazivanje i rad sjednica Skupštine;
4. Postupak donošenja akata Skupštine;
5. Vođenje zapisnika, tonska i video-arhiva sjednica;
6. Održavanje reda na sjednicama;
7. Postavljanje zastupničkih pitanja;
8. Obezbeđenje javnosti rada.

Unutrašnju organizaciju Skupštine čine organizacione cjeline:

1. Skupština Brčko distrikta BiH;
2. Stručna služba Skupštine.

Unutrašnja organizacija Skupštine utvrđena je Pravilnikom o unutrašnjoj organizaciji i sistematizaciji radnih mjesta stručne službe Skupštine Brčko distrikta BiH u cilju ostvarenja zakonitog, efikasnog, blagovremenog i ekonomičnog izvršavanja svih poslova iz nadležnosti Skupštine, postizanje potpune zaposlenosti zaposlenih i maksimalno korištenje njihovih stručnih kvalifikacija i znanja, potpune odgovornosti zaposlenih i efikasno rukovođenje, kao i saradnja sa drugim institucijama Brčko distrikta BiH.

Organizacionim planom Stručne službe Skupštine je predviđeno ukupno 42 zaposlenika. Na dan 31.12.2017. godine u Skupštini je bilo 35 zaposlenika.

4. PREDMET, CILJ I OBIM REVIZIJE

Predmet revizije je finansijsko poslovanje Skupštine u **2017.** godini, u dijelu planiranja i izvršenja budžeta, ocjene sistema internih kontrola, kao i usklađenosti poslovanja sa zakonskim i drugim relevantnim propisima.

Cilj revizije finansijskog poslovanja Skupštine je da omogući revizoru da na osnovu prikupljenih dokaza izrazi mišljenje o tome da li je finansijsko poslovanje, obavljeno u skladu sa cjelokupnom zakonskom važećom regulativom Brčko distrikta BiH, kao i planiranim pozicijama budžeta. Pored toga revizija je planirana i izvršena sa ciljem pribavljanja realne osnove za ocjenu da li su preduzete sve mjere za namjensko trošenje budžetskih sredstava za svrhe za koje je dato ovlaštenje donošenjem budžeta, te davanja preporuka za dalji rad sa posebnim naglaskom na što efikasniju zaštitu javne imovine i ekonomično trošenje javnih sredstava putem jačanja internih kontrola.

Revizija informiše javnost, nadležne organe i institucije o nalazima i preporukama, pravovremenim i javnim objavljivanjem revizorskog izvještaja.

Obim revizije je utvrđen internim planskim dokumentima revizije.

Obzirom da se revizija provodi provjerama na bazi uzoraka i da u sistemu interne kontrole i računovodstvenom sistemu postoje inherentna ograničenja, postoji mogućnost da pojedine materijalno značajne greške ostanu neotkrivene.

5. OSVRT NA NALAZE I PREPORUKE IZ PRETHODNE REVIZIJE

Ured za reviziju javne uprave i institucija u Brčko distriktu BiH, izvršio je reviziju finansijskog poslovanja Skupštine za 2016. godinu i dostavio konačan izvještaj broj: 01-02-03-13-203/17.

Skupština je sačinila Program mjera za prevazilaženje propusta i nepravilnosti utvrđenih u Izvještaju o obavljenoj reviziji za 2016. godinu, broj: 02.1-13-0522/17 od 31.05.2017. godine.

Osvrtom na preporuke date u Izvještaju o obavljenoj reviziji za prethodnu godinu, te uvidom u preduzete aktivnosti, utvrdili smo slijedeće:

- **Realizovane preporuke**
 - predlaganje i usvajanje zakona koji su primjenjivi,
 - objavljivanje akata u Službenom glasniku Brčko distrikta BiH,
 - trošenje sredstava reprezentacije u ugostiteljskim objektima koji su odabrani u skladu sa Zakonom o javnim nabavkama BiH,
 - postojanje podataka, uz priložene račune i specifikacije troškova, o svrsi korištenja sredstava reprezentacije,
 - dostavljanje Izvještaja o izvršenom popisu stalnih sredstava, sitnog inventara i zaliha materijala Centralnoj popisnoj komisiji, u roku.

- **Nerealizovane preporuke prethodne godine**
 - naloge za prenos novčanih sredstava koji se odnose na Izbornu komisiju potpisuje šef Stručne službe Skupštine a ne predsjednik Izborne komisije,
 - nisu izrađeni prečišćeni tekstovi zakona za koje su više od tri puta vršene izmjene i dopune,
 - popunjavanje upražnjenih radnih mjesta vršeno angažovanjem lica po ugovoru o djelu,
 - neutvrđivanje osnovice za obračun poreza u skladu sa odredbama Zakona o porezu na dohodak,
 - popisna komisija nije izvršila popis svih potraživanja kako je predviđeno odredbama Uputstva o radu popisnih komisija i obavljanju popisa sredstava, potraživanja i obaveza.

- **Nerealizovane preporuke zadnje tri godine**
 - nije osigurano usvajanje budžeta za 2016., 2017. i 2018. godinu u propisanom roku, od strane Skupštine putem skupštinske Komisije za budžet, u skladu sa Statutom Brčko Distrikta BiH i Poslovníkom o radu Skupštine,
 - nepridržavanje odredbi Odluke o kriterijima, načinu i postupku dodjele grantova neprofitnim organizacijama i
 - isplatu sredstava grantova licima koja nisu dokazala teško zdravstveno stanje (teško bolesnim licima).

6. NALAZI I PREPORUKE

6.1 Rukovodstvo i sistem internih kontrola

Revizijom je izvršeno ispitivanje sistema internih kontrola, kako bi se procijenila tačnost i pouzdanost podataka, te da li je finansijsko upravljanje usklađeno sa važećim zakonskim propisima. Odgovornost na uspostavi sistema internih kontrola je na rukovodstvu Skupštine, čiji osnov predstavlja postojanje odgovarajućeg kontrolnog okruženja, koje se uspostavlja adekvatnom organizacionom strukturom i donošenjem kvalitetnih internih akata. Načela unutrašnje organizacije, kategorizacija, rukovođenje, pozicije sa opisom poslova i zadataka sa brojem zaposlenih, te ostala pitanja značajna za rad i organizaciju Skupštine uređeni su Pravilnikom o unutrašnjoj organizaciji i sistematizaciji radnih mjesta Stručne službe Skupštine.

Interna kontrola u 2017. godini provođena je na osnovu Pravilnika o internoj kontroli kojom je utvrđena procedura i način trošenja sredstava za reprezentaciju, službenih putovanja, korištenje i upotrebu telefona i interneta, korištenje kancelarijskog materijala i kancelarijsko poslovanje. Navedeni Pravilnik je usmjeren na pojedinačne aktivnosti i ne predstavlja osnovu za uspostavu cjelovitog sistema internih kontrola. Takođe, nije uspostavljen adekvatan sistem nadzora, informisanja i komunikacija, kao dijela internih kontrola. U tom pravcu preporučujemo analiziranje svih poslovnih procesa, identifikaciju značajnih troškova u procesu izvršenja budžeta i određivanje rizika poslovanja, te shodno procijenjenim rizicima kreiranje odgovarajućih sistema kontrola.

Ustanovili smo da sistem internih kontrola nije funkcionisao u dijelu:

- osiguranja usvajanja Budžeta Brčko distrikta BiH u zakonski propisanom roku, u skladu sa Statutom Brčko distrikta BiH i Poslovnikom o radu Skupštine,
- pridržavanja gornjih granica rashoda Skupštine predviđenih DOB-om, u skladu sa odredbama Zakona o budžetu Brčko distrikta BiH, u dijelu izrade budžeta,
- donošenja i objave Vodiča, kojim se svakom licu omogućava pristup informacijama pod kontrolom javnog organa, u skladu sa odredbama Zakona o slobodi pristupa informacijama u BiH,
- donošenja rješenja o privremenom premještanju, u skladu sa odredbama Pravilnika o radu službenika i namještenika u Stručnoj službi Skupštine, u dijelu složenosti poslova radnih mjesta i perioda na koji se vrši premještanje,
- donošenja propisa s ciljem provođenja Zakona o zaštiti ličnih podataka u okviru svoje nadležnosti, u skladu sa odredbama Zakona o zaštiti ličnih podataka.
- obavljanja poslova ažuriranja WEB stranice Skupštine, u skladu sa odredbama Pravilnika o unutrašnjoj organizaciji i sistematizaciji radnih mjesta Stručne službe Skupštine,
- utvrđivanja prečišćenih tekstova svih zakona Brčko distrikta BiH koji su imali 3 ili više izmjena, kako je to propisano Odlukom o davanju ovlaštenja Zakonodavnoj komisiji Skupštine Brčko distrikta BiH od 13.09.2017. godine,
- usvajanja i upućivanja plana i programa rada, te izvještaja o radu i finansijskog izvještaja Izborne komisije, Skupštini na usvajanje, u primjerenom (adekvatnom) roku.
- propisivanja obaveze probnog rada u periodu od šest (6) mjeseci (prilikom zaključivanja ugovora o radu), u skladu sa odredbama Pravilnika o radu službenika i namještenika u Stručnoj službi Skupštine,
- vršiti dodatne objave javnih konkursa za popunjavanje upražnjenih radnih mjesta, s ciljem jačanja transparentnosti prilikom zapošljavanja,

- obračuna poreza za dnevnice licima koja nisu zaposlenici Skupštine, u skladu sa Pravilnikom o primjeni Zakona o porezu na dohodak, u dijelu prihoda koji podliježu oporezivanju,
- sačinjavanja izvještaja o službenom putovanju u skladu sa Pravilnikom o primjeni Zakona o porezu na dohodak, u dijelu navođenja da li je obezbijeđena besplatna ishrana tokom službenog putovanja u zemlji,
- angažovanja lica po osnovu ugovora o djelu na poslovima koji imaju karakter samostalnih i jednokratnih poslova, u skladu sa Zakonom o obligacionim odnosima,
- zasnivanja izvršenja budžeta tekućih grantova na načelu transparentnosti, u skladu sa odredbama Zakona o izvršenju budžeta Brčko distrikta BiH za 2017. godinu,
- proširenja kriterija za raspodjelu sredstava namijenjenih za grantove neprofitnim organizacijama i dopunjavanja Odluke o kriterijima, načinu i postupku raspodjele sredstava grantova Skupštine, u skladu sa odredbama Zakona o izvršenju budžeta Brčko distrikta BiH za 2017. godinu.
- provođenja definisanih postupaka javnih nabavki za sve nabavke roba, usluga i izvođenja radova, te zaključivanja ugovora sa odabranim dobavljačem, u skladu sa Zakonom o javnim nabavkama BiH.

Potrebno je, u cilju efikasnijeg poslovanja i pouzdanog finansijskog izvještavanja, uspostaviti sistem internih kontrola koji će eliminisati navedene slabosti i doprinijeti efikasnom ostvarivanju ciljeva Skupštine.

6.2. Obavljanje poslova u skladu sa propisima

Članom 50 Poslovnika o radu Skupštine Brčko distrikta Bosne i Hercegovine je propisano da je nadležnost Komisije za budžet da osigura usvajanje budžeta u skladu sa zakonom, kao što je određeno Statutom Brčko distrikta BiH, odnosno da Skupština usvaja budžet Brčko distrikta BiH najmanje trideset (30) dana prije isteka svake fiskalne godine.

Budžet Brčko distrikta BiH za 2017. godinu je usvojen 20.06.2017 godine, dok je za 2018. godinu usvojen 26.03.2018. godine, odnosno poslije propisanog roka. Komisija za budžet, u skladu sa svojim nadležnostima delegiranim odredbama Poslovnika o radu Skupštine Brčko distrikta BiH, nije osigurala usvajanje budžeta u skladu sa Statutom Brčko distrikta BiH.

Potrebno je da Skupština, putem skupštinske Komisije za budžet, osigura usvajanje Budžeta Brčko distrikta BiH, u zakonski propisanom roku, u skladu sa Statutom Brčko distrikta BiH i Poslovnikom o radu Skupštine.

Odredbama člana 10 Zakona o budžetu Brčko distrikta BiH je propisano da se izrada budžeta zasniva na Dokumentu okvirnog budžeta (DOB), koji prikazuje gornje granice rashoda za svakog budžetskog korisnika.

DOB Brčko distrikta BiH za period 2017-2019 godine je usvojen 20.01.2017. godine, te su kao gornje granice rashoda Skupštine na poziciji: „Naknada troškova zaposlenih i skupštinskih poslanika“ - predviđeni rashodi u iznosu od 477.674,00 KM, „Grantovi i subvencije - rashodi u iznosu od 295.000,00 KM i na poziciji „Kapitalna sredstva“ - iznos od 90.000,00 KM.

Revizijom smo utvrdili da je Budžetom Brčko distrikta BiH za 2017. godinu na poziciji „Naknada troškova zaposlenih i skupštinskih poslanika“ Skupštini odobren iznos od 531.182,00 KM, na poziciji „Grantovi i subvencije“ iznos od 4.911.500,00 KM i na poziciji

„Kapitalna sredstva“ iznos od 538.500,00 KM, odnosno značajno su prekoračeni iznosi predviđeni DOB-om Brčko distrikta BiH za period 2017-2019 godine, što nije u skladu sa odredbama člana 10 Zakona o budžetu Brčko distrikta BiH.

Potrebno je, prilikom izrade budžeta, pridržavati se gornjih granica rashoda Skupštine predviđenih DOB-om, u skladu sa odredbama Zakona o budžetu Brčko distrikta BiH, u dijelu izrade budžeta.

Odredbama člana 20 Zakona o slobodi pristupa informacijama u BiH je određeno da svaki javni organ dostavlja i objavljuje vodič kojim se svakom licu omogućava pristup informacijama pod kontrolom javnog organa, uključujući informacije potrebne za obraćanje javnom organu i njegovom službeniku za informisanje, bitne elemente postupka podnošenja zahtjeva, zajedno sa uzorkom zahtjeva u pisanoj formi, informacije o kategorijama izuzetaka, postupku pristupa informacijama, troškove umnožavanja, pristupu pravnom lijeku i svim bitnim rokovima. Vodič, takođe, upućuje na indeks registar i na način pristupa registru. Vodič se dostavlja ombudsmenu, svakoj javnoj i pravnoj biblioteci u Bosni i Hercegovini i, kada je moguće putem interneta, a dostupan je na zahtjev.

Revizijom smo utvrdili da Skupština nije donijela Vodič, kojim bi se svakom licu omogućio pristup informacijama pod kontrolom javnog organa, što nije u skladu sa odredbama člana 20 Zakona o slobodi pristupa informacijama u Bosni i Hercegovini.

Potrebno je da Skupština donese i objavi Vodič, kojim se svakom licu omogućava pristup informacijama pod kontrolom javnog organa, u skladu sa odredbama Zakona o slobodi pristupa informacijama u BiH.

Odredbama člana 51 Pravilnika o radu službenika i namještenika zaposlenih u Stručnoj službi Skupštine Brčko distrikta BiH je propisano da premještaj može biti na drugo radno mjesto iste ili približne složenosti poslova i da može trajati najduže šest mjeseci.

Uvidom u raspoloživu dokumentaciju smo ustanovili da je dana 29.06.2017. godine doneseno pet Rješenja o privremenom premještaju zaposlenih sa radnih mjesta za koje je bila predviđena srednja, na radna mjesta za koja se traži visoka stručna sprema, **na period od dvanaest mjeseci**, što nije u skladu sa odredbama člana 51 Pravilnika o radu službenika i namještenika zaposlenih u Stručnoj službi Skupštine Brčko distrikta BiH.

Potrebno je rješenja o privremenom premještaju donijeti u skladu sa odredbama Pravilnika o radu službenika i namještenika u Stručnoj službi Skupštine, u dijelu složenosti poslova radnih mjesta i perioda na koji se vrši premještaj.

Odredbama člana 11 Zakona o zaštiti ličnih podataka je određeno da je javni organ kao pravno lice koje samostalno obrađuje i utvrđuje svrhu i način obrade ličnih podataka na osnovu zakona ili propisa, dužan donijeti propis s ciljem provođenja Zakona o zaštiti ličnih podataka, u okviru svojih nadležnosti.

Revizijom smo ustanovili da Skupština, u okviru svoje nadležnosti, nije donijela propis, s ciljem provođenja Zakona o zaštiti ličnih podataka, što nije u skladu sa odredbama člana 11 Zakona o zaštiti ličnih podataka.

Potrebno je da Skupština, u okviru svoje nadležnosti, donese propis s ciljem provođenja Zakona o zaštiti ličnih podataka.

Odredbama člana 5 Pravilnika o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH je propisano da Sektor za opšte poslove i skupštinske komisije, obavlja poslove ažuriranja WEB stranice Skupštine.

Revizijom smo ustanovili da Zakon o izmjenama i dopunama Zakona o finansiranju političkih stranaka objavljen u Službenom glasniku Brčko distrikta BiH broj 19 od 09.07.2007. godine, nije objavljen na WEB stranici Skupštine, što nije u skladu sa odredbama člana 5 Pravilnika o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH.

Potrebno je vršiti redovna ažuriranja WEB stranice Skupštine u skladu sa odredbama Pravilnika o unutrašnjoj organizaciji i sistematizaciji radnih mjesta Stručne službe Skupštine Brčko distrikta BiH, u dijelu unutrašnje organizacije poslova.

Odredbama člana 1 Odluke o davanju ovlaštenja Zakonodavnoj komisiji Skupštine Brčko distrikta BiH od 13.09.2017. godine ovlaštena je Zakonodavna komisija Skupštine Brčko distrikta BiH da utvrdi prečišćene tekstove svih zakona Brčko distrikta BiH koji su imali 3 ili više izmjena i dopuna.

Revizijom smo utvrdili da 41 zakon ima 3 ili više izmjena i dopuna, a da je utvrđeno svega 7 prečišćenih tekstova za pomenute zakone, što nije u skladu sa odredbama člana 1 Odluke o davanju ovlaštenja Zakonodavnoj komisiji Skupštine Brčko distrikta BiH od 13.09.2017. godine.

Potrebno je utvrditi prečišćene tekstove svih zakona Brčko distrikta BiH koji su imali 3 ili više izmjena, kako je to propisano Odlukom o davanju ovlaštenja Zakonodavnoj komisiji Skupštine Brčko distrikta BiH od 13.09.2017. godine.

Izborna komisija Brčko distrikta BiH je 01.06.2017. godine, usvojila i uputila na razmatranje Plan i program rada za 2017. godinu, Izvještaj o radu Izborne komisije Brčko distrikta BiH za 2016. godinu i Finansijski izvještaj Izborne komisije Brčko distrikta BiH za 2016. godinu.

Navedene akte Izborne komisije Brčko distrikta BiH usvojila je Skupština na 16 redovnoj sjednici održanoj 27.09.2017. godine.

Potrebno je da Izborna komisija Brčko distrikta BiH plan i program rada, izvještaj o radu i finansijski izvještaj usvoji i uputi Skupštini na usvajanje, u primjerenom (adekvatnom) roku.

6.3. Izdaci za plate i naknade troškova plata

Plate i naknade troškova plata u 2017. godini su planirane u iznosu od 1.891.724,28 KM, a realizovani su u iznosu od 1.834.716,85 KM ili 96,99%. Realizovani iznos se odnosi na slijedeće izdatke: neto plate 837.438,28 KM, naknade skupštinskim poslanicima 463.660,44 KM, doprinosi za PIO 231.939,39 KM, doprinosi za zdravstveno osiguranje 159.108,25 KM, naknade za privremene i povremene poslove 55.645,40 KM i ostali troškovi 86.925,09 KM.

Neto plate sa pripadajućim porezima i doprinosima isplaćeni su zaposlenicima Stručne službe Skupštine i za 15 poslanika koji imaju status profesionalnog poslanika.

Naknade skupštinskim poslanicima se odnose na 16 poslanika koji nemaju status profesionalnog poslanika i isplaćeno je 417.295,43 KM na ime neto naknade, a 46.365,03 KM na ime poreza.

Naknade za privremene i povremene poslove isplaćene su članovima Nezavisnog odbora za izbor šefa policije i zamjenika šefa policije Brčko distrikta BiH u iznosu od 22.100,00 KM i članovima Izborne komisije Brčko distrikta BiH u iznosu od 33.545,40 KM.

Odredbama člana 53 Pravilnika o radu službenika i namještenika u Stručnoj službi Skupštine Brčko distrikta BiH je propisano da se svi ugovori o radu na neodređeno vrijeme zaključuju uz obavezu probnog rada na period od šest (6) mjeseci.

Ugovorima o radu na neodređeno vrijeme od 07.08.2017. godine nije predviđen probni rad u periodu od šest (6) mjeseci, što nije u skladu sa odredbama člana 53 Pravilnika o radu službenika i namještenika u Stručnoj službi Skupštine Brčko distrikta BiH.

Potrebno je, prilikom zaključivanja ugovora o radu na neodređeno vrijeme, predvidjeti obavezu probnog rada u periodu od šest (6) mjeseci u skladu sa odredbama Pravilnika o radu službenika i namještenika u Stručnoj službi Skupštine Brčko distrikta BiH.

Skupština je na svojoj internet stranici, 07.07.2017. godine, objavila Javni konkurs za popunjavanje upražnjenih radnih mjesta u Stručnoj službi Skupštine Brčko distrikta BiH za tri izvršioca na tri radna mjesta.

Zapisnicima o procjeni kandidata od 26.07.2017. godine navedeno je da je prijavljeno pet kandidata za tri izvršioca, od kojih dva kandidata nisu ispunjavala uslove radnog mjesta. Komisija za zapošljavanje je 27.07.2017. godine donijela tri Odluke o izboru kandidata kojima su izabrana sva tri kandidata koja ispunjavaju uslove radnog mjesta.

Potrebno je izvršiti dodatne objave javnih konkursa za popunjavanje upražnjenih radnih mjesta u Skupštini, s ciljem jačanja transparentnosti prilikom zapošljavanja.

6.4. Izdaci za putne troškove

Izdaci za putne troškove u 2017. godini planirani su u iznosu od 41.000,00 KM, a realizovani su u iznosu od 21.820,48 KM ili 53,22%.

Realizovani iznos se odnosi na troškove: smještaja za službena putovanja u zemlji u iznosu od 6.245,06 KM, dnevnice u zemlji u iznosu od 5.950,50 KM, dnevnice za službena putovanja u inostranstvo u iznosu od 5.050,00 KM, smještaj za službena putovanja u inostranstvu u iznosu od 2.745,20 KM i ostali putni troškovi u iznosu od 1.829,72 KM.

Odredbama člana 14 Pravilnika o primjeni Zakona o porezu na dohodak regulisano je da se neoporezivi dio dnevnice za službena putovanja u zemlji umanjuju za 30% u slučaju kada je obezbjeđena besplatna ishrana. Istim članom je propisano da dnevnice i drugi troškovi puta licu koje nije zaposlenik predstavljaju oporezivi dohodak od drugih samostalnih djelatnosti.

Izdaci za dnevnice za službena putovanja u zemlji tokom 2017. godine su ostvareni u iznosu od 5.950,50 KM na osnovu 181 naloga za službeno putovanje.

Lica koja nisu zaposlenici Skupštine ostvarila su 29 službenih putovanja, te su istim obračunate dnevnice kao naknade službenih putovanja, u iznosu od 1.607,50 KM. Revizijom

smo utvrdili da istim nije obračunat i obustavljen od isplate pripadajući porez za navedene dnevnice u iznosu od 160,75 KM, kao i da u izvještajima o službenim putovanjima nije navedeno da li je obezbijeđena besplatna ishrana tokom službenog puta u zemlji, što nije u skladu sa odredbama člana 14 Pravilnika o primjeni Zakona o porezu na dohodak.

Potrebno je obračun poreza za dnevnice lica koja nisu zaposlenici Skupštine, vršiti u skladu sa Pravilnikom o primjeni Zakona o porezu na dohodak, u dijelu prihoda koji podliježu oporezivanju.

Potrebno je izvještaje o službenom putovanju sačinjavati u skladu sa Pravilnikom o primjeni Zakona o porezu na dohodak, u dijelu navođenja da li je obezbijeđena besplatna ishrana tokom službenog putovanja u zemlji.

6.5. Izdaci za ugovorene usluge

Izdaci za ugovorene usluge u 2017. godini su planirani u iznosu od 470.700,00 KM, a realizovani u iznosu od 402.877,61 KM ili 85,59%. Realizovani iznos se odnosi na: izdatke za reprezentaciju 118.905,71 KM, ugovore o djelu 87.092,77 KM, izdaci za štampanje 79.788,15 KM, izdaci za komisije 59.821,00 KM, izdaci za medije 34.910,00 KM i ostale ugovorene usluge 22.359,98 KM.

Usluge komisije u iznosu od 59.821,00 KM isplaćene su članovima Nezavisnog odbora za izbor šefa policije i zamjenika šefa policije Brčko distrikta BiH u iznosu od 35.860,00 KM i članovima Izborne komisije Brčko distrikta BiH u iznosu od 23.961,00 KM.

Izdaci za usluge po ugovorima o djelu u 2017. godini su realizovani u iznosu od **87.092,77** KM. Od navedenog iznosa **64.737,61** KM odnosi se na izdatke po ugovoru o djelu zaključenih sa 13 lica u Stručnoj službi Skupštine.

Odredbama člana 3 Zakona o radu Brčko distrikta BiH, propisano je da se radni odnos zasniva zaključivanjem ugovora o radu između poslodavca i zaposlenika, te da je zaključivanjem ugovora uspostavljen radno-pravni status.

Uvidom u dokumentaciju u postupku revizije utvrdili smo, da je angažovanje lica po ugovoru o djelu vršeno na poslove i radne zadatke koji po svom karakteru predstavljaju poslove iz osnovne djelatnosti Skupštine i koji su obuhvaćeni sistematizacijom radnih mjesta, te kao takvi ne mogu biti regulisani ugovorom koji po svom karakteru predstavlja obligatorni a ne ugovor kojim se reguliše radno pravni status. Pomenuti poslovi nemaju karakter **samostalnih i jednokratnih** poslova u smislu odredbi članova 600 do 609 Zakona o obligacionim odnosima, koji regulišu da ugovor o djelu podrazumijeva **samostalan rad izvršioca nezavisno od poslodavca**, rad za svoj račun i na svoj rizik, da izvršilac sam određuje radno vrijeme te da je predmet ugovora o djelu, **jednokratan i samostalan** posao pri čemu je ključno postizanje određenog rezultata, odnosno djela.

Rad izvršioca ugovora o djelu ima sve karakteristike radnog odnosa kao što su: stalnost i učestalost rada, nesamostalnost u izvršenju posla, koja se ogleda u postojanju nadređene osobe (poslodavca) koja redovno kontroliše i izdaje upute za rad. Konstatujemo da ugovori o djelu imaju sve karakteristike radnog odnosa, a da Skupština sa licima angažovanim po osnovu ugovora o djelu, nije zaključila ugovor o radu, odnosno nije uspostavila radno-pravni odnos, kako to reguliše član 3. Zakona o radu Brčko distrikta BiH.

Potrebno je da Skupština angažuje lica po osnovu ugovora o djelu na poslovima koji imaju karakter samostalnih i jednokratnih poslova, u skladu sa Zakonom o obligacionim odnosima, te na poslovima predviđenim Organizacionim planom vršiti zapošljavanje u skladu sa članom 3 Zakona o radu Brčko distrikta BiH.

6.6. Izdaci za tekuće grantove

Izdaci za tekuće grantove su planirani u iznosu od 4.911.500,00 KM, a realizovani u iznosu od 4.910.549,96 KM ili 99,98%. Od realizovanog iznosa na grantove pojedincima se odnosi 39.550,00 KM i na neprofitne organizacije 4.870.999,96 KM.

Odlukom o raspodjeli novčanih sredstava iz Budžeta Brčko distrikta BiH za 2017. godinu od 20.07.2017. godine realizovana su novčana sredstva u iznosu od 200.000,00 KM, za redovan rad političkih stranaka i zastupničkih klubova zastupljenih u Skupštini.

Odlukom o odobravanju Programa utroška sredstava tekućih grantova za period od 01.01. do 31.12.2017. godine u Skupštini Brčko distrikta BiH, od 13.09.2017. godine, realizovana su sredstva u iznosu od 4.710.550,00 KM.

Odredbama člana 4 Zakona o izvršenju budžeta Brčko distrikta BiH za 2017. godinu je propisano da se izvršenje budžeta zasniva na načelu transparentnosti, odnosno spremnosti da se podaci o izvršenju budžeta što je moguće više učine dostupnim javnosti putem javnih objava.

Skupština je u 2017. godini provela niz aktivnosti po planiranim programima i ostvarila izvršenje budžeta na ime tekućih grantova za 131 neprofitnu organizaciju. Javne objave o provedenim aktivnostima vezanim za izvršenje budžeta nisu vršene, što nije u skladu sa odredbama člana 4 Zakona o izvršenju budžeta Brčko distrikta BiH za 2017. godinu.

Potrebno je izvršenje budžeta tekućih grantova zasnivati na načelu transparentnosti, u skladu sa odredbama Zakona o izvršenju budžeta Brčko distrikta BiH za 2017. godinu, u dijelu opštih načela.

Odredbama člana 22 Zakona o izvršenju budžeta Brčko distrikta BiH za 2017. godinu je propisano da su budžetski korisnici obavezni da uspostave **efikasnu kontrolu dodjele i utroška** sredstava iz budžeta 2017. godine.

Revizijom smo utvrdili da pojedini korisnici grantova, neprofitne organizacije koje su prethodne godine dobile grant od Kancelarije gradonačelnika, istoj nisu podnijeli izvještaj o utrošku granta iz 2016. godine, iako su u 2017. godine bili korisnici granta Skupštine.

Odlukom o kriterijima, načinu i postupku raspodjele sredstava grantova Skupštine Brčko distrikta BiH od 13.07.2017. godine su utvrđeni kriteriji, način i postupak raspodjele sredstava. Članom 4 su propisani kriteriji raspodjele sredstava za:

- pojedince,
- neprofitne organizacije iz oblasti sporta, kulture, turizma, kulturno umjetničkog rada, izgradnje i razvoja lokalne zajednice, ekologije, socijalne sigurnosti, humanitarnog rada i drugih oblasti za koje su registrovane,
- neprofitne organizacije za koje su sredstva pozicionirana u budžetu Brčko distrikta BiH.

Obzirom da i drugi budžetski korisnici Vlade Brčko distrikta BiH dodjeljuju grantove neprofitnim organizacijama (pozicionirane i nepozicionirane), pomenutim kriterijima nije propisana obaveza korisnika granta da je dužan, uz zahtjev za dodjelu, dostaviti dokaz o podnesenom izvještaju o utrošku granta dobijenog prethodne godine **od drugog budžetskog korisnika**, kao ni dokaz da grant nije dobijen po istom osnovu od drugog budžetskog korisnika u tekućoj godini.

Zbog navedenih nedostataka u kriterijima za raspodjelu sredstava nije omogućena **efikasna kontrola dodjele i utroška** sredstava iz budžeta 2017. godine, što nije u skladu sa odredbama člana 22 Zakona o izvršenju budžeta Brčko distrikta BiH za 2017. godinu.

Potrebno je izvršiti dopunu Odluke o kriterijima, načinu i postupku raspodjele sredstava grantova Skupštine Brčko distrikta BiH u skladu sa odredbama Zakona o izvršenju budžeta Brčko distrikta BiH za 2017. godinu, u dijelu proširenja kriterija za raspodjelu sredstava namijenjenih za grantove neprofitnim organizacijama.

6.7. Ostali nalazi

6.7.1. Javne nabavke

Skupština kao ugovorni organ, je obavezna da dodjeljuje ugovore o javnim nabavkama primjenjujući definisane postupke u skladu sa odredbama člana 6 Zakona o javnim nabavkama BiH.

Revizijom smo ustanovili da za poštanske usluge, za koje su u revidiranom periodu utrošena sredstva u iznosu od 2.195,70 KM, nije provedena definisana procedura javnih nabavki, kako je to propisano Zakonom o javnim nabavkama BiH.

Potrebno je provoditi postupke javnih nabavki za sve nabavke roba, usluga i izvođenja radova, te sa odabranim dobavljačem zaključiti ugovor u skladu sa Zakonom o javnim nabavkama BiH.

7. KOMENTAR

Skupštini Brčko distrikta BiH je uručen Nacrt izvještaja o reviziji finansijskog poslovanja za period 01.01.- 31.12.2017. godine, broj: 01-02-03-112/18, na razmatranje i dostavljanje eventualnih novih dokaza i komentara na nalaze revizije.

U ostavljenom roku od 15 dana, Skupština Brčko distrikta se nije očitovala na nalaze sadržane u Nacrtu izvještaja o reviziji. Stoga, ovaj izvještaj predstavlja konačan izvještaj dostavljen klijentu, bez korekcija u odnosu na Nacrt izvještaja.

Tim za reviziju:

Milan Milašinović, dipl. oec.

Amra Mehić, dipl. oec.

8. PRILOZI IZVJEŠTAJA O REVIZIJI

Struktura planiranih i izvršenih tekućih izdataka za **2017.** godinu, po pozicijama Skupštine prikazana je u sljedećoj tabeli:

Tabela br.1

Ekon. kod	Naziv ekonomskog koda	Izvršenje tekućeg budžeta sa 31.12.2016.	Planirani tekući budžet 31.12.2017.	Izvršenje tekućeg budžeta sa 31.12.2017.	Procent izvršenja %
1	2	3	4	5	6
611100	Bruto plate	1.347.014,95	1.360.542,28	1.311.133,01	96,37
611200	Naknade troškova zaposlenih	483.532,17	531.182,00	523.583,84	98,57
612100	Doprinos na teret poslodavca	51.857,86	55.290,11	53.410,24	96,60
	UKUPNO PLATE, NAKNADE I DOPRINOSI	1.882.404,98	1.947.014,39	1.888.127,09	96,99
613000	Izdaci za materijal usluge	802.382,74	781.485,00	593.854,70	75,99
613100	Putni troškovi	13.834,92	41.000,00	21.820,48	53,22
613200	Izdaci za energiju	29.143,47	41.000,00	27.091,34	66,08
613300	Izdaci za komun. usluge	20.840,06	27.885,00	24.031,46	86,18
613400	Nabavka materijala	105.644,49	101.800,00	49.375,33	48,50
613500	Izdaci za usl. prev. i goriva	8.478,09	27.200,00	10.025,60	36,86
613600	Unajmljivanje imovine i opreme	0,00	5.600,00	963,00	17,20
613700	Izdaci za tekuće održavanje	48.855,21	58.800,00	52.796,10	89,79
613800	Izdaci osigur., bank. usluge i usl. platnog prometa	5.596,25	7.500,00	4.873,78	64,98
613900	Ugovorene usluge	569.990,25	470.700,00	402.877,61	85,59
614000	Tekući grantovi	288.069,03	4.911.500,00	4.910.549,96	99,98
614200	Grantovi pojedincima	19.550,00	40.000,00	39.550,00	98,88
614300	Grantovi neprofitnim organizacijama	268.519,03	4.871.500,00	4.870.999,96	99,99
	Ukupan TEKUĆI budžet	2.972.856,75	7.639.999,39	7.392.531,75	96,76

Budžet kapitalnih potreba

Tabela br. 2

God.	Planirani kapitalni budžet	Izvršenje kapitalnog budžeta do 01.01.2017.g.	Izvršenje kapitalnog budžeta u 2017. god.	Izvršeno na dan 31.12.2017. godine (4+5)	Neurošena planirana sredstava na dan 31.12.2017. (3-4-5)	% izvršenja na dan 31.12.2017. (6/ 3 x 100)
1	3	4	5	6	7	8
2015.	90.000,00	68.115,91	17.385,60	85.501,51	4.498,49	95,00
2016.	50.000,00	5.839,47	36.966,88	42.806,35	7.193,65	85,61
2017.	538.500,00		5.906,75	5.906,75	532.593,25	1,10
UKUPNO	678.500,00	73.955,38	60.259,23	134.214,61	544.285,39	19,78

Grantovi neprofitnim organizacijama

Tabela br. 3

Redni broj	Korisnik	Iznos
1.	Adnan Drapić	4.516,14
2.	SBB Savez za bolju budućnost	14.486,80
3.	SDA Stranka demokratske akcije	23.519,04
4.	SDP BiH Socijaldemokratska partija BiH	14.486,80
5.	BDP Brčanski demokratski pokret	14.486,80
6.	SP Socijalistička partija RS	14.486,80
7.	HDZ Hrvatska demokratska zajednica	19.002,92
8.	PDP Partija demokratskog progresa	4.516,14
9.	HSS Hrvatska seljačka stranka Braća Radić	14.486,80
10.	SNSD Savez nezavisnih socijaldemokrata	23.519,06
11.	Klub nezavisnih poslanika Alija Denjagić Ćazim Dačaj	14.486,80
12.	SDS-SNP Vojinović, Purić, Ljubojević	19.002,92
13.	Bogičević Radoslav	7.243,40
14.	Kojić Nenad	7.243,40
15.	S BiH Stranka za BiH	4.516,14
16.	Futsal klub Brčko	500,00
17.	MZ Brka	2.000,00
18.	MZ Grbavica	48.000,00
19.	MZ Popovo Polje	174.000,00

20.	MZ Plazulje	15.500,00
21.	MZ Donji Zovik	45.000,00
22.	MZ Gornji Rahić	15.000,00
23.	MZ Boće	30.000,00
24.	MZ Bukvik	20.000,00
25.	MZ Ražljevo	1.300,00
26.	OFK Brčko	1.000,00
27.	MZ Gornji Zovik	500,00
28.	M.K.K.“Brčko-distrikt“ Brčko	3.000,00
29.	FK Grčica Brčko	1.000,00
30.	FK Lokomotiva Brčko	1.000,00
31.	FK Gornji Rahić G.Rahić	2.000,00
32.	NK Dinamo 75 Prijedor	1.000,00
33.	NK Dubrave Dubrave	1.000,00
34.	FK Sava 04 Brezovo Polje	1.000,00
35.	NK Mladi zadrukar 2 Donji Rahić	1.000,00
36.	FK Slijepčevići Slijepčevići	1.400,00
37.	FNK Izbor Brčko	1.000,00
38.	Auto moto klub Brčko	500,00
39.	NK Napredak Omerbegovača	1.500,00
40.	FK Posavina Brod	1.000,00
41.	NK Ravne Zovik	1.850,00
42.	FK Mladost Sandići	1.000,00
43.	NK Polet Palanka	2.000,00
44.	Boksterski klub Jedinstvo Brčko	500,00
45.	NK Trešnjevka Maoča	2.000,00
46.	NK Graničar Brezovo Polje	500,00
47.	NK Brka 48 Brka	2.000,00
48.	FK Mladost Trnjaci	1.000,00
49.	FK Jugović Gredice I	1.000,00
50.	Udruženje Raja sa Ficibajera Brčko	1.000,00
51.	Sportsko društvo Veteran Brčko	500,00
52.	Rekreativ.planin.klub Brčko Brčko	2.000,00
53.	Odbojkaški klub Galeb Brčko	1.000,00
54.	NK Vitanovići 78 Vitanovići	1.000,00
55.	OK Mladost Brčko Ražljevo	2.000,00
56.	NK Hašk-Napredak Ulović	1.000,00
57.	Planinarsko društvo Čičak Orašje	1.000,00
58.	OFK Brezik Brezik	500,00
59.	Karate klub Ippon Brčko	1.000,00
60.	Stonoteniski klub Ražljevo	800,00
61.	OK Tempo Ražljevo	800,00
62.	Udruženje Akademija sporta Lokomotiva Brčko	4.000,00
63.	ŽFK Lokomotiva Brčko	500,00
64.	Karate klub Bosna Brčko	2.500,00

65.	Udruženje građana konjički klub Djeca vjetra Brčko	5.000,00
66.	Košarkaški klub Lavovi Brčko	1.000,00
67.	KK Partizan Brčko	2.500,00
68.	Sportsko društvo invalida Boće Brčko	1.000,00
69.	Auto-Sava Brčko plivačko ekstremno sportski klub	2.000,00
70.	Vatrogasno društvo Gornji Rahić	1.500,00
71.	Fudbalska akademija Prijatelji Ograđenovac	350,00
72.	SUG Veterani Ficibajera Brčko	2.000,00
73.	ŽFK Olimpik Brčko	1.000,00
74.	B.Z.K. Preporod Brčko	1.500,00
75.	Kolo srpskih sestara Majka Jevrosima Brčko	1.000,00
76.	BKUD Behar Maoča Brčko	3.000,00
77.	KUD Azra Rašljani	1.200,00
78.	HKUD Župa Zovik Gornji Zovik	1.200,00
79.	KUD Bijela Bijela Brčko	1.000,00
80.	Srpski omladinski savez Brčko	300,00
81.	Udruženje mladih Izvor Brčko	1.000,00
82.	KUD Bosna Omerbegovača	3.000,00
83.	Udruženje Zidine Ravne Brčko	700,00
84.	Udruženje oboljelih od malignih bolesti Brčansko srce Brčko	1.250,00
85.	Omladinski centar Vermont Brčko	300,00
86.	Udruženje oboljelih od multipleskleroze	1.250,00
87.	Udruženje građana Pčela Gornji Rahić	825,00
88.	Vrhbosanska Nadbiskupija Brčanski dekanat Brčko	317.000,00
89.	Srpska pravoslavna opština Brčko	820.000,00
90.	Srpska pravoslavna opština Ražljevo	168.100,00
91.	Udruženje pčelara Matica Brčko	1.000,00
92.	Udruženje žena Okrugli sto Brčko	1.500,00
93.	BKUD Šeher Palanka	2.000,00
94.	Udruženje Golub Brčko	5.000,00
95.	Župa Svetog Antuna Pustinjska Gorice	28.000,00
96.	Udruž.porodica poginulih boraca RS Brčko	1.000,00
97.	Vrhbosanska Nadbiskupija Župa Rođ.blaž.djevice Marije Ulice	165.000,00
98.	Župa Svetog Franje Asiškoga Zovik	95.000,00
99.	Župni ured Svetog Ante Padovanskog Boće	40.000,00
100.	Vrhbosanska Nadbiskupija Sniježna Gospa Poljaci	215.000,00
101.	Franjevački samostan Sveti Ante Padovanski Dubrave	200.000,00
102.	Vrhbosanska Nadbiskupija Župa Kraljice Krepšić	3.000,00
103.	Medžlis islamske zajednice Brčko	891.500,00
104.	Protestantska Evandeoska crkva Brčko	7.000,00
105.	Srpska pravoslavna crkvena opština Grčica	245.000,00
106.	Društvo psihologa Brčko distrikta BiH	1.000,00
107.	Srpska pravoslavna crkvena opština Donji Brezik	105.000,00
108.	Udruženje građana Djeluju odlučno Prizma Brčko	500,00
109.	Crkveni hor Sveti Stefan Dečanski Brčko	5.000,00

110.	Kud Gornji Rahić Gornji Rahić	2.000,00
111.	Udruženje turističkih vodiča Brčko	1.500,00
112.	Srpska pravoslavna crkvena opština Brezovo Polje	62.700,00
113.	Kud Posavina Brod Brčko	2.000,00
114.	Udruženje UG Vrijedne ruke Šatorovići	1.000,00
115.	Srpska pravoslavna crkvena opština Potočari	190.000,00
116.	Udruženje građana Resursni centar Brčko	2.500,00
117.	Kud Klanac Brčko	3.000,00
118.	Srpska pravoslavna crkvena opština Kulubarsko Grbavička	180.000,00
119.	Srpska pravoslavna crkvena opština Lončari	30.000,00
120.	Srpska pravoslavna crkvena opština Bukvička Brčko	85.000,00
121.	Srpska pravoslavna crkvena opština Buzekara	57.000,00
122.	Stećak odbor za obilježavanja značajnih datuma	2.000,00
123.	Udruženje građana oštećenog vida Luj Braj Brčko	625,00
124.	Kud Srce igra Brezovo Polje-Novo Naselje	1.000,00
125.	Udruženje građana Vesele žene Prutače Brčko	1.000,00
126.	Kud Centar Brčko	2.000,00
127.	Srpska pravoslavna crkvena opština Donji Žabar	70.000,00
128.	Udruženje kreat.Humano stari zanati Brčko	1.550,00
129.	Župa Bezgrešnog začeca blažene djevice Dubrave	215.000,00
130.	Srpska pravoslavna crkvena opština Visoko	10.000,00
	UKUPNO	4.870.999,96